



Broj: 13-19-5314/25
Sarajevo, 25.12.2025. godine

Na osnovu člana 69. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), a u vezi sa članom 45. i 87. Poslovnika Općinskog vijeća Centar Sarajevo -prečišćeni tekst („Službene novine Kantona Sarajevo“ broj 23/04, 11/13, 13/17, 24/19, 31/19, 29/20 i 11/24), Općinski načelnik donosi

ODLUKU

o poništenju Javnog oglasa zainteresovanim fizičkim licima sa prebivalištem na području Općine Centar Sarajevo za podnošenje zahtjeva za dodjelu stana u zakup putem neposredne pogodbe prema objavljenom spisku stanova

I

Poništava se Javni oglas zainteresovanim fizičkim licima sa prebivalištem na teritoriji Općine Centar Sarajevo za podnošenje zahtjeva za dodjelu stana u zakup putem neposredne pogodbe prema objavljenom spisku stanova.

II

Ova Odluka stupa na snagu danom donošenja i ista će biti objavljena na oglasnoj ploči i web stranici Općine Centar Sarajevo u trajanju od 15 dana od dana objavljivanja.

O b r a z l o ž e n j e

Dana 06.10.2025. godine Općina Centar Sarajevo je na oglasnoj ploči i web stranici Općine objavila Javni oglas zainteresovanim fizičkim licima sa prebivalištem na teritoriji Općine Centar Sarajevo za podnošenje zahtjeva za dodjelu stana u zakup putem neposredne pogodbe prema objavljenom spisku stanova broj: 03-19-5314/25 od 01.10.2025. godine..

Prijava na Javni oglas za davanje stana u zakup putem neposredne pogodbe sa potpunom dokumentacijom podnosi se Komisiji za poslove iz stambene oblasti putem Službe za stambene i komunalne poslove. Nakon što je protekao rok za podnošenje prijava, Komisija za poslove iz stambene oblasti je na 16. redovnoj sjednici koja je održana dana 11.12.2025. godine, donijela zaključak broj: 01-16sl/25-1, da se upućuje inicijativa općinskom načelniku za poništenje Javnog oglasa zainteresovanim fizičkim licima sa prebivalištem na teritoriji Općine Centar Sarajevo za podnošenje zahtjeva za dodjelu stana u zakup putem neposredne pogodbe prema objavljenom spisku stanova, broj: 03-19-5314/25 od 01.10.2025. godine, a koji je objavljen dana 06.10.2025. godine u trajanju od 15 dana. Razlog navedene inicijative odnosi se na potrebu izmjene važeće Odluke o zakupu stanova Općine Centar Sarajevo („Službene novine Kantona Sarajevo broj: 17/23, 11/24 i 45/25) i to člana 37. Odluke, u smislu da se podnosiocima prijave omogući prijava na najviše dvije stambene jedinice obuhvaćene Javnim oglasom, kao i na druge okolnosti nastale nakon raspisivanja Javnog oglasa.

S obzirom na zaključak Komisije za poslove iz stambene oblasti, kao i činjenicu da je usvojen Prijedlog izmjena člana 37. navedene Odluke od strane Općinskog vijeća dana 23.12.2025. godine, odlučeno je kao u dispozitivu.

Općinski načelnik

Srđan Mandić